

司馬文正公集

東坡先生集  
卷之四  
詩  
九

西安府志卷第四十八

大事志

後漢

光武紀光武先在長安同舍生疆華自關中奉赤伏符曰  
劉秀發兵捕不道四夷雲集龍門野四七之季火爲王

劉元傳六月張邛守河東爲鄧禹所破還奔長安與諸將

議曰赤眉近在華陰旦暮且至長安見滅不久不如掠城

中以自富轉攻所在東歸南陽入說更始更始怒使王匡

陳牧成丹趙萌屯新豐李松軍振

按續漢志新豐有振賊

以拒之張

邛廖湛胡殷申屠建等與隗囂謀劫更始侍中劉能卿以  
告更始召邛等入將悉誅之隗囂不至更始使邛等待于

外廬邛與湛殷疑有變遂突出獨申屠建在斬之邛與湛  
殷勒兵掠東西市燒門入戰更始大敗奔新豐復疑王匡  
陳牧成丹等同謀乃並召入牧丹先至卽斬之匡懼將兵  
入長安與邛等合八月李松還從更始與趙萌共攻匡邛  
於城內連戰月餘匡等敗走更始徙居長信宮九月赤眉  
至高陵匡等迎降之遂共連兵而進更始城守使李松出  
戰赤眉生得松松弟汎爲城門校尉赤眉使使謂之曰開  
門活汝兄汎卽開門九月赤眉入城更始單騎走侍中劉  
棻以赤眉立其弟盆子自繫詔獄聞敗乃出步從至高陵  
右輔都尉嚴本恐失更始爲赤眉所誅將兵在外號爲屯  
衛而實囚之

後漢紀上聞更始失城守未知所在詔封更始爲淮南王  
敢有害及妻子者罪大逆其送詣吏者封列侯劉元傳赤  
眉下書曰聖公降旨封長沙王過二十日勿受更始遣劉  
棻請降赤眉使其將謝祿往受之十月更始詣長樂宮上  
璽綬于盆子赤眉坐更始置庭中將殺之劉棻劉祿爲請  
不能得遂引更始出劉棻追呼曰臣誠力極請得先死拔  
劍欲自刎赤眉率樊崇等共救止之乃赦更始封爲長沙  
王更始常依謝祿居劉棻亦擁護之

通鑑劉盆子居長樂宮三輔郡縣遣使貢獻兵士輒剽奪  
之又數暴掠吏民百姓聞鄧禹行師有紀皆望風相攜負  
以迎軍父老童稚滿其車下諸將皆勸禹徑攻長安禹曰

吾衆雖多能戰者少赤眉新拔長安財穀充實鋒銳未可  
當吾且休兵北道就糧養士以觀其敝乃可圖也于是引

兵北至栒邑

按地理志栒邑屬右扶風

張宗傳張宗爲偏將軍從至栒

邑赤眉大衆且至禹以栒邑不足守欲引師進就堅城而  
衆人多畏賊追宗獨爲後拒勅厲軍士堅壘以死當之禹  
遣步騎二千人反還迎宗宗引兵始發赤眉卒至宗與戰  
卻之乃得還營到長安夜將銳士入城襲赤眉中矛貫髀  
又轉攻諸營堡爲流矢所激皆幾至于死

劉元傳三輔苦赤眉暴虐皆憐更始而張邛等以爲慮謂

謝祿曰今諸營長多欲篡聖公者一旦失之合兵攻公自  
滅之道也於是祿使從兵與更始共牧馬於郊下因令益

之劉恭夜往收藏其屍光武聞而傷焉詔大司徒鄧禹  
葬之於霸陵

鄧禹傳帝以關中未定而禹久不進兵勅曰司徒堯也亡  
軼桀也長安吏人遑遑無所依歸宜以時進討鎮慰西京  
繫百姓之心

按已上事並在建武元年

劉盆子傳劉恭見赤眉衆亂知其必敗自恐兄弟俱禍密  
教盆子歸璽綬正月朔崇等大會恭先曰諸君立恭弟爲  
帝且一年肴亂日甚誠不足以相成願得退爲庶人更求  
賢知盆子乃下牀解璽綬叩頭曰今設置縣官而爲賊如  
故吏人貢獻輒見剽劫流聞四方莫不怨恨此皆立非其

人所致願乞骸骨避賢聖必欲殺盆子以塞責者無所離  
死因涕泣唏噓崇等及會者哀憐之皆頓首曰臣無狀負  
陛下請自今以後不敢復放縱因共抱持盆子帶以印綬  
既罷出各閉營自守三輔翕然百姓爭還長安市里且滿  
二十餘日赤眉貪財物復出大掠城中糧食盡遂收載珍  
寶縱火焚宮室引兵而西衆號百萬白南山轉掠城邑鄧  
禹傳時赤眉西走扶風禹乃南至長安軍昆明池大饗士  
卒率諸將齋戒擇吉日修禮謁祠高廟收十一帝神主遣  
使奉詣洛陽因循行園林爲置吏奉守焉

劉盆子傳赤眉入北地逢大雪士多凍死乃復還發掘諸

陵鄧禹時在長安遣兵擊之於郁夷

按縣屬右扶風

爲所敗禹乃

出之雲陽九月赤眉復入長安止桂宮時漢中賊延岑出散關屯杜陵逢安將十餘萬人擊之鄧禹以逢安兵在外惟盆子與羸弱居城中乃自往攻之會謝祿救之夜戰橐街中禹敗走

劉盆子傳延岑及更始將軍李寶合兵數萬與逢安戰于杜陵岑等大敗寶遂降安而岑收散卒走寶使人謂岑曰子努力還戰吾當于內反之岑卽還挑戰安等空營擊之寶從後悉拔赤眉旗幟更立已幡旗安等戰疲還營見旗幟皆白大驚亂走自投川谷死者十餘萬人逢安與數千人脫歸長安

通鑑廖湛將赤眉十八萬攻漢中王嘉嘉與戰于谷口

按

口故城在醴泉  
東北四十里

大破之嘉手殺湛遂到雲陽就穀帝令鄧

禹招嘉嘉詣禹降

馮異傳時赤眉延岑暴亂三輔郡縣人姓各擁丘衆鄧禹  
不能定乃遣馮異代禹討之勅曰三輔遭王莽更始之亂  
重以赤眉延岑之酷今之征伐非必略地屠城要在平定  
安集之耳卿本能御史士念自修勅無爲郡縣所苦異頓  
首受命引而西所至皆布威信宏農羣盜稱將軍者十餘  
輩皆率衆降

按已上事並在建武二年

馮異傳時赤眉雖降衆寇猶盛延岑據藍田王歆據下邳

丹據新豐將震據張邯據長安公孫守據長陵楊

周據谷口蓋延據盤屋任良據鄠汝章據槐里各稱將軍  
擁兵多者萬餘人少者數千人轉相攻擊異且戰且行屯  
軍上林苑中延岑旣破赤眉拜置牧守欲據關中引張邯  
任良共攻異異擊破之諸營保附岑者皆來降岑遂自武  
關走南陽詔拜趙匡爲右扶風將兵助異乃稍誅擊豪傑  
不從令者褒賞降附有功勞者悉遣其渠帥詣京師散其  
衆歸本業關中悉平

按事在建武三年

光武帝紀夏四月丙子幸長安謁高廟遂有事十一陵五  
月辛未至自長安

按事在建武六年

後漢紀隗囂反上西征至漆議者以爲車駕不宜入險且遣諸將觀虛實議未定會馬援至勸上曰囂衆瓦解兵進必破以水爲山谷于上前指衆軍所入處上曰虜在吾目中矣車駕遂進竇融與五郡太守將步騎數萬輜重五千兩與上會囂衆大潰城邑皆降綱目帝使來歙悉監囂諸將屯長安太中大夫馬援爲之副

建武九年

己卯幸長安祠高祖廟

建武十年

光武皇帝征公孫述秋七月大長安

年

光武帝紀春二月甲寅幸長安三月壬午祠高廟遂有  
十一陵夏四月甲戌車駕還宮

按事在建武十八年

光武帝紀閏正月甲戌幸長安祠高廟遂有事十一陵  
按事在建武二十二年

後漢紀四月戊子幸長安祠長陵

按事在中元元年

明帝紀十月幸長安祠高廟遂有事十一陵十一月遣使  
者以中牢祠蕭何霍光帝謁園陵過式其墓

按事在永平二年

古今注三月戊寅木火在東井

按事在建初元年

章帝紀十月癸丑幸長安丙辰祠高廟遂有事十一陵遣使者祠太上皇于萬年以中牢祠蕭何霍光進幸槐里東至高陵造舟于涇而還每所幸輒會郡縣吏人勞賜作樂

按事在建初七年

天文志四月癸巳太白熒惑辰星俱在東井秦地爲法三星合内外有兵

按事在永元二年

和帝紀十月癸未行幸長安賜行所過二千石及三老官屬錢帛各有差十一月癸卯祠高廟遂有事十一陵後漢紀東幸長安詔令大將軍憲與車駕會長安

按事在永元三年

天文志二月戊寅金火俱在東井

按事在永元七年

五行志四月丙申晦日有食之在東井一度

按事在永初七年

五行志八月戊子陽陵園寢殿火

按事在延光元年

宋符瑞志十月壬午鳳皇集京兆新豐

安帝紀十月幸長安丁亥會三輔守令掾史於長安作樂  
閏月丁未祠高廟遂有事十一陵復歷觀上林苑昆明池  
遣使者祠太上皇於萬年並以中牢祠蕭何曹參霍光諸

臣

按已上事並在延光三年

順帝紀七月丁酉茂陵園寢災辛亥使太常王龔持節告祠茂陵

按事在永建二年

順帝紀十月幸長安庚子幸未央宮會三輔郡守都尉及官屬勞賜作樂十一月祠高廟遂有事十一陵

按事在永和二年

五行志五月己丑晦日有食之在東井三十三度又近輿鬼輿鬼爲宗廟秋西羌爲寇至三輔園陵西羌傳且凍餓  
羌反與雜種羌胡大寇三輔殺害長吏發京師近

州兵討之

按事在永和五年

天文志二月甲申彗星在東井遂歷與鬼皆秦分羌所攻抄西羌傳唐羌三千餘騎燒園陵掠關中殺傷長吏遣中郎將龐浚募勇敢千五百人頓美陽爲涼州援

按事在永和六年

五行志四月丁卯晦日有食之在東井二十三度

按事在建和三年

桓帝紀十月幸長安乙酉幸未央宮甲午祠高廟十一月庚子有事十一陵

按事在延熹二年

五行志七月甲申平陵園寢火

按事在延熹六年

張奐傳春東羌先零五六千騎寇關中圍殺羽掠雲陽夏復攻沒兩營殺千餘人

五行志五月壬子晦日有食之在寒鬼一度

按已上事並在永康元年

五行志三月京兆地震

按事在光和二年

皇甫嵩傳嵩既破黃巾會邊章韓遂作亂詔嵩廻鎮長安以衛園陵章遂等復入寇三輔使嵩因討之書中傳邊章